

陶雲汀先生奏疏

奏摺卷八目錄

撫院稿

安化陶澍

查明通省二麥約收分數摺子

附奏麥收足資接濟摺片

查明審議六安州阻考案摺子

御賜藥錠謝

恩摺子

恭謝

頒賞

欽定春秋左傳摺子

附奏水退災區間有蝻子萌生現飭搜撲務淨

摺片

訪獲捻匪兇徒審辦摺子

附奏查辦皖省棚民編設保甲摺片

皖省紳民捐賑籲請獎勵摺子

總督會稿  
附清單

附奏省城建造育嬰堂摺片

全獲越獄人犯摺子

據道員代謝摺子

查明通省二麥約收分數摺子

奏爲查明通省二麥約收分數恭摺奏

聞仰祈

聖鑒事竊照本年安徽省各屬二麥情形先經飭查  
約收分數去後茲據布政使徐承恩查明大麥  
現已陸續登場小麥漸次成熟據各屬具報約  
收分數彙摺呈報前來臣覆加查核安徽通省  
五十九州縣內約收八分有餘者黟縣一縣約  
收八分者婺源祁門二縣約收七分有餘者太  
湖宿松歙縣寧國旌德石埭建德宿州霍邱五

河等十州縣約收七分者休寧績溪青陽舒城  
廬江壽州鳳陽鳳臺潁上亳州蒙城太和霍山  
盱眙建平等十五州縣約收六分有餘者桐城  
潛山涇縣太平貴池銅陵東流合肥懷遠定遠  
靈璧阜陽六安英山泗州滁州來安等十七州  
縣約收六分者懷寧巢縣天長全椒含山廣德  
等六州縣約收五分有餘者望江宣城南陵當  
塗蕪湖繁昌和州等七州縣約收四分有餘者  
無爲一州統計通省二麥收成約六分有餘除  
俟收穫完竣查明實收分數另行恭疏

題報外謹將約收分數繕具清單敬呈

御覽伏乞

皇上聖鑒謹

奏

道光四年五月十二日具

奏六月十五日奉到

硃批知道了欽此

附奏麥收足資接濟摺片

再皖省上年沿江各州縣被水成災緣陰雨旣多而上游川陝兩湖江西各省之水同時並發皆以皖江一處爲之門戶是以消退甚遲被災尤重仰蒙

天恩給與撫卹卽經

臣

奏派幹員分赴川楚江西買米運糶以供民食旋經臣督同司道府縣各員捐廉倡率各處民情感動據懷寧桐城等數十州縣先後具報各紳士商耆或捐米煮粥或散錢給米或各贍本族

本村或捐貲修築圩埂或以所捐之銀買米平糶更番迭運至金盡爲止並有未經被災之區如太和黟縣亦復聞風捐貲解備災區之用各屬紳士所捐自數十兩以至千兩其最多者如廬江紳士章姓以一家捐粥四箇月併棉衣數千件其餘義捐尙多統俟各屬查明彙集卽會

同督臣奏請

旌獎通計三十餘州縣災民不下百數十萬仰沐皇仁賑撫兼施佐以倉穀及採買平糶

聖恩廣被至優極渥百姓感仰咸知興起各敦任卹



之風是以災雖重而民情安帖茲幸麥田已獲  
足資接濟災黎紛紛回家就食人心歡欣叨荷  
福慈曷勝額慶其川省買米前因水險途遙暫於江  
楚兩省購買咨明俟今夏察看情形再辦茲既  
麥收可接毋庸赴川採買復卽咨明停止日來  
雨暘順序禾苗栽插已畢閭閻無虞失所合併  
縷細附

聞仰慰

聖懷謹

奏

道光四年五月十二日附片具

奏六月十五日奉到

硃批覽奏稍慰欽此

查明審議六安州阻考案摺子

奏爲遵

旨查明審議仰祈

聖鑒事竊照六安州捐職州同奈蟠赴部呈控廩生周合等阻考等情一案奏奉

諭旨安徽捐職州同奈蟠由定遠遷居六安伊子應試廩生周合等阻撓該州仍飭回原籍考試該職員在部呈請歸入寄籍等情著交陶澍親提人証卷宗秉公確查照例辦理職員奈蟠飭令回籍聽候查辦欽此臣遵卽飭提人卷來省委員審辦茲

據安慶府同知陳其松審議由藩司徐承恩解勘前來臣親提研鞫緣余蟠原籍定遠縣其曾祖余漢功於康熙五十四年遷居六安州生子余通海孫余光前置有田房產業乾隆四十六年余光前呈請入籍當有紳士李杰等數十人以余光前之祖母繆氏在州花鼓唱歌其父余通海擡轎營生其母單氏受雇與人服役事業卑賤請飭回原籍以杜朦考等情赴州訐告余光前隨以將相無種人貴自立古有屠狗賭奕卽身卿相等詞具訴經該前州飭俟移查核辦

旋據奈光前呈明願歸定遠縣原籍結請備案  
詳經前學臣以奈光前回籍應否准考批飭查  
議各前州均未詳覆奈光前亦未遷回至六十  
年間奈光前長子奈雲卽奈虬將屋租與縱妻  
賣姦之合肥縣人殷恒沉居住致蕭奉年藉詐  
爭毆經州訪獲將奈雲等杖責飭逐迨奈光前  
故後奈虬與弟奈步蟾於嘉慶三年及十五年  
間先後請入州籍並邀生員吳麟標等具結投  
呈均匿未聲敘奈光前被許原案經該前州查  
出批飭不准奈步蟾遂赴藩司暨學臣衙門控

告委據候補縣趙樽會同該前州吳永綏以奈步蟾遷居已在六十年之外州紳士稟其身家不清並無証據似應准其入籍捐考等情詳經前撫臣胡克家飭取印甘各結未據申送奈步蟾卽與兄奈蟠先後赴部報捐職監行取族鄰供結飭催亦未送呈二十五年間奈步蟾子弟出應州試州眾童生以其出身卑賤聲言不願爲伍廩生周合等均不敢承保奈步蟾卽以違例阻考上控飭據前署州吳箴遍詢與考生童及合學廩生僉稱奈繆氏花鼓賣唱屬實議請

不准捐考奈蟠復赴前撫臣衙門呈控行州查訊據廩生江墉等七十餘人先後遞呈攻訐如前經該州牛映奎查訊僅有張蓋臣等願具保結訊係奈蟠姻親其餘貢廩增附生員僉稱奈姓身家實不清白牛映奎以張蓋臣等具結由於迴護姻親不足爲憑仍照原議詳覆奈蟠遂以周合等阻考等情赴禮部具呈奏奉

諭旨交查行提人証來省訊悉前情案無遁飾查例載遷徙六十年以外卽與土著無異不必補行呈明准其在寄籍報捐應考又載削籍之樂戶

丐戶以報官改業之人爲始下逮四世本族親支皆係清白自守方准報捐應試各省凡有似此者悉照此辦理又載律無正條應援引他律他例比附於疏內聲明恭候

聖裁各等語此案六安州紳士先後訐告余蟠之祖余通海擡轎營生及余單氏與人帮工之處均係貧民謀食之常例不禁其捐考惟所稟余蟠曾祖母繆氏在州花鼓賣唱一節當乾隆四十六年間其父余光前呈請入籍時相距繆氏身故未久該紳士等自必確有見聞因而羣起攻



許如繆氏果無其事奈光前應卽逐細剖白何以訴詞內轉稱將相無種併以屠狗賭奕自居卽行結請回籍厥後嘉慶三年及十五年間奈雲與奈步蟾先後請入州籍均不敘前案一字卽此次奈蟠京控詞內亦未將被控身家不清之處明晰聲辨其自知繆氏花鼓賣唱之非誣意圖隱諱已可概見前州吳永綬等以並無証據議請捐考不知婦女花鼓賣唱非若娼優隸卒之確有冊據可稽檢查嘉慶二十五年十二月內掌福建道監察御史臣朱鴻條奏捐納各

員其身家清白與否一以鄉里之公評爲據並以捐納職銜例應出結請令官員確查以重名器欽奉

上諭著各省督撫轉飭各州縣於捐納各員應取冊結時訪查確實如有身家不清白者照例斥革其由寄籍報捐者若無憑考核卽移歸原籍確查其捐納職銜者並著出結官詳查確核毋任冒濫以重名器等因欽此經吏部抄摺通行在案是身家之是否清白應卽遵照部行以鄉評爲據今余繆氏之花鼓賣唱自乾隆四十六年該州紳上

紛紛控許迄今數十年不特現訊之周合等答  
供如繪卽前署州吳篋查詢時徧集與考童生  
及合學廩生無不異口同聲稱爲實有其事鄉  
評如此自未便以奈蟠翻控致任冒濫且奈蟠  
等報捐已久各前州總未出結申送其爲礙於  
輿論尤屬顯然自應據以定斷惟查禮部及科  
場各例並無花鼓賣唱之子孫應否准予捐考  
明文第以婦女而行歌賣唱其托業已屬卑賤  
若使其子孫竟得濫廁士林似無以別流品如  
卽照娼優隸卒之例子孫永遠不准捐考究與

實

臣

詳加察核

奈蟠之花鼓賣唱比之樂戶丐戶事屬相類應請比照辦理奈蟠請照削籍之樂戶丐戶例以改業之人爲始下逮四世清白自守准予報捐應試奈蟠係奈繆氏曾孫其祖奈通海卽經改業現在本族親支亦俱清白自守逮至奈蟠尙止三世應與其弟奈步蟾等均不准其捐考所有原捐職員監生均請斥革飭州追照詳銷其奈蟠之子姪已逮四世寄籍六安又在六十年以外年例相符應准其卽在該州入籍捐考如

該州士民再有混阻卽行照例懲辦再此案律無正條係援引他例比附相應遵例聲明恭候聖裁奈蟠等前次報捐訊因該州曾經詳請入籍尙非有心朦捐其赴京呈控亦因各前州並未查議明確先後詳辦不符所致請免置議貢生周合等因奈姓身家不清不敢承保並非違例阻考其訐告亦非始自該生等委無圖詐情事應毋庸議前六安州知州吳永綬與候補知縣趙樽前詳准其入籍捐考由於查無証據拘泥誤議旋經批取印甘各結並未申送應與奈蟠等

報捐監職俱未出結之前任各州均免開參除  
全案供招咨部外謹將查明審議緣由恭摺具  
奏伏乞

皇上聖鑒

訓示遵行謹

奏

道光四年五月十二日具

奏六月十五日奉到

硃批另有旨欽此同日奉到道光四年五月二十八  
日內閣奉

上諭陶澍奏查審安徽捐職州同奈蟠呈控廩生等阻考定擬請旨一摺此案奈蟠曾祖奈漢功於康熙年間由定遠縣遷居六安州至奈蟠奈步蟾子弟出應州試該州生童均以奈姓家世卑賤不敢承保先後遞相攻訐奈蟠復赴禮部呈請歸入寄籍當經發交陶澍親提查辦茲據該撫詳加察核比例定擬所有奈蟠等入籍捐考著准其照削籍之樂戶丐戶以報官改業之人爲始下逮四世清白自守方令報捐應試惟奈蟠奈步蟾等距伊祖奈通海改業尙止三世著仍不准捐考所捐職員

監生卽行一併斥革其余蟠之子姪現已年例相符著准在六安州入籍報捐考試毋許該士民再有阻撓該部知道欽此



御賜藥錠謝

恩摺子

奏爲恭謝

天恩事頃

臣

齋摺差弁回院奉到

御賜藥錠一匣謹卽恭設香案望

闕叩頭祇領伏念

臣

荅通抱質葵藿抒誠際茲懸

艾之良辰倍仰調薰之

郵治澤下尺而苗上尺芳腴正沐夫

醲膏乾大生而坤廣生

嘉貺更邀夫珍劑秘馥襲三霄之露潤帶花泥葳蕤

纏五色之絲蒸餘石火分馨寮案勝六壬六癸  
以佩符宣

惠黠黎比一粟一絲而戴

德欣

聖世人無疵癘

錫福而象協咸和擬周官書上安平

養化而

功宏大造所有臣感激忭幸微忱理合繕摺恭謝

天恩伏祈

皇上聖鑒謹

奏

道光四年五月二十四日具

奏六月二十四日奉到

硃批知道了欽此

恭謝

頒賞

欽定春秋左傳摺子

奏爲恭謝

天恩事竊臣奉到

頒賞

欽定春秋左傳讀本一部當卽恭設香案望

闕叩頭祇領欽惟我

皇上竄聰懋學

稽古同文

道闢麟符既擴元苞於

景命模垂

鴻則更傳

鉅製於儒林緬春秋本經世之書獨左氏得屬辭之  
要軼公羊穀梁之曲說所見各殊紹

彙纂

直解之遺編其文具在由古哲敷求古哲

君本兼

師惟

聖人能知聖人作仍善述元元本本列眉而傳自爲

篇是是非非綴尾而篇皆有注抉地志山經之  
奧道里無遺訂別風淮雨之譌形聲必協尊王  
之義大一統敷施悉載於

皇言良史之職備三長折衷爰歸於

至教臣質慚抱蠢識等測蠡幸窺

乙覽之精微獲奉

宸編而肄誦願書萬本用識中心悅服之誠莫贊一

辭彌仰

盛世觀文之化所有臣感佩欣忭下忱謹繕摺恭謝  
天恩伏乞

皇上聖鑒謹

奏

道光四年五月二十四日具

奏六月二十四日奉到

硃批知道了欽此

附奏水退災區間有蝻子萌生現飭搜撲務淨摺片

再皖省上年被災各屬水退較遲誠恐春夏間濕熱鬱蒸潛生蝻孽經臣札飭加意搜查茲據天長含山兩縣先後具報湖厰灘地萌生蝻子旋卽撲滅無存又據鳳陽懷遠靈璧三縣會稟該三縣接壤之太平崗蘆葦地內生有蝻子現在趕緊撲捕臣當卽飛飭廬鳳道戴聰督同該府縣等文武員弁督率人夫迅速搜捕務令淨盡勿致滋害田苗合併附片具



聞謹

奏

道光四年五月二十四日片

奏六月二十四日奉到

硃批認真督飭捕除慎勿貽害欽此

訪獲擒匪兇徒審辦摺子

奏爲訪獲擒匪兇徒審明懲辦仰祈

聖鑒事竊照安徽省西北一帶毘連徐豫其交界處

所每有匪徒出沒爲害間閭臣於上年巡閱鳳

潁營伍沿途留心查察訪有匪徒趙四大旺李

添罡及張保兒張建禮等多人結夥行兇擾害

良民當卽遴委員弁會同各地方文武嚴密查

拏節據各員稟獲王添曉武炳文王愷張建禮

及夏五幅公王甫王騷張細狗蔡五等旋接督

臣孫玉庭來信以張建禮王添曉武炳文王愷

現奉

諭旨查拏

臣

當將該犯等派員解赴督

臣

衙門歸案

審辦一面附片奏

聞欽奉

硃批所辦甚好知道了欽此又據續獲趙四大旺楊

氣張保兒鞏二等究出多案錄供具報經

臣

奏奉

硃批所辦甚好設法偵緝務淨根株欽此遵復勒緝

李添昱到案同前獲之趙四大旺等解省飭委

安慶府確究由司解勘前來

臣

親提各犯逐案

研鞫緣趙四大旺夏五幘公楊氣李添罡張保  
兒張細狗鞏三均籍隸阜陽縣王騷蔡五均籍  
隸蒙城縣王甫籍隸亳州俱非善類趙四大旺  
一名趙四老虎於嘉慶二十五年五月間起意  
糾眾結捻有前犯命案擬杖援免之夏五幘公  
及楊氣併在逃之周正誼鄭在田楊逢時鄒應  
傑馬鎖郭羣楊鰲王在良丁大漢王大立劉淋  
張二汪山劉克正趙皂唐鷄何小鬼等投入捻  
內向鄉民訛索酒食錢文不計次數是年十一  
月初七日趙四大旺見沈邱集鎮上彭奉英門

首拴有牛馬起意搶奪於中午時糾同周正誼  
鄭在田場逢時鄒應傑各執刀棍前往將牛馬  
搶回十二月初三日午後趙四大旺又起意邀  
同夏五幘公楊鰲王在良馬鎖郭羣持械齊至  
牧場野地將趙百益收放牛驢搶奪回家勒令  
各事主贖贓俵分花用李添罌於嘉慶十七年  
間起意結捻有族人李平玉李大山李大順李  
先李贊李龐李拐李磨李老軒李老鉄李亂攷  
等投入捻內該犯等恐兵役查拏攜帶擡鎗刀  
鎗防護並訛詐鄉民飯食錢文不記次數李添

罡先與同姓不宗李豆之妻劉氏有姦李豆知情縱容嗣方六亦與劉氏姦好李添罡撞遇不依爭毆因方六仍往姦宿心生妬恨於十九年三月十七日攜帶尖刀糾同李平王李大山李大順李先李贊李龐尋毆途遇方六李添罡卽上前扭住令李平王等架至空地按倒用刀砍傷其左胎膊方六嚷罵聲稱報復李添罡忿極起意致死用刀狠戳方六兩眼將其眼睛挖出方六立時殞命屍母方李氏欲控被李添罡持刀嚇禁私埋隨將李劉氏強行霸佔李豆未敢

與較道光三年三月初二日李添罡約戲班姚萬倉唱戲姚萬倉因事回覆李添罡生氣於初四日傍晚糾同李平玉李大山李大順李先李龐李磨李老軒李老鐵趕至楊家集北野地將姚萬倉攔住搶得戲箱兩隻用火燒燬各散張保兒卽張保先因楊印窺破伊父窩竊聽從病故之竊匪王義謀溺楊印身死犯案擬絞恭逢嘉慶二十五年八月二十七日

恩詔援免責釋道光二年間張保兒復起意窩匪糾竊勾藏在逃之王寅張奉錄戎協和張庭合張

二翠馬鎖王儀等於正月十一月及三年二月  
內先後帶同竊得程繼悌程繼畧段有章等家  
驢頭牛馬經各事主查獲張保兒勒令出錢將  
贓贖回張細狗於道光元年四月間起意窩竊  
分贓勾引在逃之趙東振盧二騰趙和尚劉上  
科趙多白士魁趙雙侯五趙二得趙大道侯柳  
樹精至家窩藏是年五月六月及八月內張細  
狗先後起意令趙東振等竊得崔媽呼彭龔孜  
李本畏等家牛驢馬匹被崔媽呼查獲張細狗  
勒令出錢贖贖並嚇稱如敢控告定行殺害餘



賊賣錢俵分王騷先因犯竊杖柳責刺嘉慶二  
十五年十二月二十四日有在逃之王虎因賒  
欠馬建文魚錢口角被罵不甘諗知王騷兇惡  
糾往尋毆王騷允從遂同王成往尋途遇馬建  
文被王虎用庫刀砍傷左手指稟縣差拘未獲  
道光元年四月初五日該前府訪聞王騷爲匪  
飭差趙洪等查拏王騷起意拒捕糾同高占魁  
盛連劉江分持刀械嚇稱如敢捕拏卽行殺死  
趙洪等因寡不敵眾邀人幫捕王騷卽乘間逃  
逸鞏三向無恒業於道光二年十二月十四日

起意開場聚賭同伊兄鞏懷賓鞏懷魯族人鞏  
三妮孜在集搭廠經鄉保車懷占往阻扭住鞏  
三欲行送究鞏三不服拘拏用擲子刀扎傷車  
懷占左腿嚇稱如敢控告定行殺害各散蔡五  
卽蔡洋先充縣役因毆張萬倉身死擬絞減流  
在配脫逃回家道光二年十月初十日有與素  
好開酒店之于五因陸貫金賒酒未允將伊店  
夥李庭辱罵前往評理途遇陸學希向訴陸學  
希庇護同族村斥于五致相爭吵蔡五瞥見拉  
勸陸學希斥其幫護蔡五生氣順拔身帶鐵柄

手鎌砍傷陸學希脊背陸學希欲控經蔡五懇  
息王甫先因藏匿紅鬍要犯王妮孜犯案擬流  
成篤收贖道光元年冬間王甫起意販私漁利  
糾允在逃之王道鞏其淋張沅鞏漢入夥恐兵  
役捕拏各帶腰刀小刀防身在河南邊境向不  
識姓名私鹽擔上買得鹽舫在亳州村莊陸續  
銷賣先後販過四次獲利均分此趙四大旺等  
十犯歷次犯事之原委也以上各事主及屍親  
人等均畏趙四大旺等兇惡未敢呈報經臣訪  
聞飭拏獲案其李添罡一犯當追拏時猶逞兇

拒捕被縣役李祥格傷料難脫逃自用攘刀戮傷臍肚亦卽就獲並在王甫家起獲鹽斤趙四大旺身邊搜出標刀二把李添罡家內起出擡鎗二桿刀二把長鎗十八根由該州縣傳証補報勘驗訊詳解審據各供認前情不諱案無遁飾查例載安徽省紅鬍子在於場市搶劫如糾夥五人以上爲首斬立決其在野攔搶如四人以上至九人者不分首從發伊犁分給該處察哈爾及駐防滿洲官兵爲奴又律載故殺者斬監候又例載窩藏竊盜五名以上坐家分贓者

發近邊充軍又安徽潁州府屬兇徒預謀結夥  
三人以上執持兇器傷人不分首從實發雲貴  
兩廣極邊煙瘴充軍又兇徒因事忿爭執持兇  
器傷人發近邊充軍又律載販私鹽十人以下帶有軍  
上加二等又例載與販私鹽十人以下帶有軍  
器爲首杖一百流二千里各等語此案趙四大  
旺聚衆結捻訛詐鄉民並糾同捻夥夏五懶公  
等搶奪牲畜勒贖兇橫已極其在野夥搶趙百  
益牧放牛驢罪止擬遣惟糾槍彭奉英家牛馬  
係在集鎮糾夥已至五人應從重問擬趙四大

旺合依安徽省紅鬍子在於場市搶劫糾夥五人以上爲首斬立決例擬斬立決刺字留省夏五囑公聽從趙四大旺搶奪趙百益在野牛驢夥止六人合依在野攔搶四人以上至九人者不分首從例發伊犁給該處察哈爾及駐防滿洲官兵爲奴照例刺字該犯趙四大旺夏五囑公尙有共毆王東山身死各案罪名較輕均應歸此案從重擬結楊氣入捻訛索並未隨同搶奪該犯尙有夥劫河南事主陳虔元錢鋪等案擬罪較重應歸彼案完結李添罡糾眾結捻在

野攔搶姚萬倉戲箱罪止擬遣其因妬姦故殺  
方六身死罪應擬斬應從重科斷李添罡合依  
故殺者斬律擬斬監候先行刺字該犯於三年  
後始行就獲例應改爲立決惟事犯脫逃在嘉  
慶二十五年八月二十七日欽奉

恩詔以前例得免其逃罪其原犯係屬故殺仍請不  
准援免入於秋審情實辦理張保兒張細狗窩  
留賊匪糾竊分贓均在五名以上應依窩藏竊  
盜五名以上坐家分贓例發近邊充軍該犯張  
保兒先因謀斃人命擬絞援免復敢窩竊勒贖

實屬怙惡該犯張細狗窩賊至十一名之多疊次肆竊並嚇禁事主控告勒令贖贓尤爲地方之害未便存留內地致令脫逃滋事均請發往新疆酌撥種地當差據供母老丁單均不准其查辦王騷係穎屬兇徒與王成聽從王虎糾毆馬建文致傷迨奉差拏復敢糾眾持械拒捕應加等問擬王騷應於穎州府屬兇徒預謀結夥三人以上兇器傷人不分首從實發雲貴兩廣極邊煙瘴充軍例上照律加拒捕罪二等改發新疆酌撥種地當差與張保兒等分別刺字鞫



三起意開場聚賭本屬罪人因鄉保車懷占欲  
行送究輒用兇器攬子刀將車懷占拒傷亦應  
照律加等輩三應於兇器傷人發近邊充軍例  
上加拒捕罪二等發極邊充軍蔡五川鐵柄手  
鑷砍傷陸學希脊背手鑷非民間常用之物應  
照兇器傷人例發近邊充軍該犯前次犯案在  
配脫逃係在

恩赦以前並非釋放毋庸加等王甫起意販私糾夥  
五人帶有腰刀係屬軍器應照興販私鹽十人  
以下帶有軍器例擬流二千里該犯業已成薦

惟前次犯案收贖後仍糾眾疊次販私實屬怙  
惡不悛應不准其再贖與鞏三等各杖一百分  
別發配折責安置李豆縱妻劉氏與李添昱通  
姦均應擬杖事犯

赦前應請援免劉氏仍行離異李豆免其提質各犯  
此外訊無另犯不法其不能約束之父兄及失  
察之牌保飭提責懲各事主及屍親人等因畏  
各犯兇惡未經具報情屬可原車懷占等各傷  
俱已平復均毋庸議搶竊勒贖各賊飭追給主  
起獲鎗刀私鹽飭令分別貯庫給賞再查嘉慶

二十年十一月豫省拏獲紅鬍匪徒奏請將失  
察文武處分寬免一摺欽奉

上諭紅鬍匪徒久爲地方之害前經降旨令該州縣實  
力翦除不復咎其旣往若該省因現獲匪犯究出從  
前搶劫斃命並私造私藏違禁兇器販私賭博等案  
歷年未經報官一一追溯叅處則緝捕各員多所瞻  
顧轉致心生懈弛所有報獲各案從前失察之地方  
文武員弁著加恩免其處分等因欽此欽遵在案此  
案擒匪趙四大旺等均係該地方文武員弁偵  
緝獲案所有從前失察處分仰懇

皇上天恩俯賜寬免其出力幫緝各委員容臣查明  
記名鼓勵現在安省西北一帶經此次訪拏懲  
辦之後匪徒稍知歛戢臣仍嚴飭各屬緝拏餘  
匪務獲以淨根株而安地方除供招咨部外並  
將事主陳虔元被刦各案另行

題咨外合將訪獲匪徒審辦緣由恭摺具  
奏伏乞

皇上聖鑒

敕部核覆施行謹

奏

道光四年五月二十四日具

奏六月二十四日奉到

硃批刑部速議具奏欽此

附奏查辦皖省棚民編設保甲摺片

再臣於五月二十日接奉

廷寄道光四年五月十六日奉

上諭本日御史郎葆辰奏請飭查棚民保甲以重地方據稱會典內載乾隆四年戶部議准江南福建浙江各府州縣內棚民照保甲例編排戶口近聞浙江江蘇安徽等省州縣凡深山窮谷之區棚民曼衍殆遍租典山地墾種山諸大半皆溫台一帶沿海之人其聲氣相通倘有奸宄藏匿不可不預爲防範等語向來各省地方有棚居士著山民往

往以種植麻靛煽鐵造紙等項藉資生計其外來  
無業游民前赴該處工作者亦一體編入保甲選  
立保長甲長專司巡察責成州縣官據冊稽查誠  
以該棚民等良莠不齊往來靡定若任其占踞山  
場不加約束勢必愈聚愈多無從究詰是以照例  
編排立法極爲周密惟行之日久懈弛相沿自應  
亟爲整頓著各該督撫等嚴飭該府州縣將棚民  
逐細查察按十戶設立甲長每年遞換門牌隨時  
抽驗禁止匪類潛匿勾串滋事如查有不安本分  
鬪狠健訟之徒立即嚴拏示懲務當實力奉行不

可視爲具文並不准書役藉端擾累以靖地方將此各諭令知之欽此遵

旨寄信前來臣伏思編查保甲爲弭盜詰姦要法皖省向係遵照章程飭令各州縣於秋後確切編查年底循例具

奏至徽州寧國池州廣德四府州屬境內深山峻嶺甚多往往有外來民人租山墾種搭棚棲止緣本境多將山地出租此等無業窮民因之攜老挈幼刀耕火種就地謀生

國家休養生息生齒日繁勢不能分畛域而阻其



生路惟聚處衆多良莠不齊卽難保不滋生事  
端是以向係一體編入保甲辦理在案通計徽  
州寧國池州廣德四屬此項棚民有由江廣遷  
往者亦有由本省桐城潛山宿松太湖舒城霍  
山等處遷往者非盡溫台沿海之人現在均屬  
安靖間有鬪狠健訟之徒亦俱隨時隨事嚴行  
懲辦不令縱恣今奉

諭旨逐細查察自應欽遵飭辦其棚民較多之處應  
卽按十戶另設牌甲稽查倘係零星三兩戶雜  
在土著之內卽歸入附近保甲內照舊辦理務

俾奸民絕迹亦毋任書役藉端滋擾仰副我  
皇上除莠安良之至意除飭行藩臬兩司並該府州  
實力查辦外謹附片覆

奏伏乞

聖鑒謹

奏

道光四年六月十三日片

奏七月十四日奉到

硃批認真稽查辦理不可有名無實欽此

皖省紳民捐賑籲請獎勵摺子

附清軍總督會稿

奏爲皖省紳民捐貲助賑請將銀數較多各戶開單仰懇

恩獎以敦任卹事竊查上年安徽沿江各州縣被水成災情形甚重節經臣陶澍會同臣孫玉庭奏蒙

恩旨賑卹臣陶澍於履勘後卽一面出示勸捐率同本省藩臬道府州縣等捐廉爲倡當將辦捐情形於派員採米摺內聲請照嘉慶十九年捐賑成案將樂捐人數事竣分別請

旨賞給議敘頂帶在案旋據各屬陸續具報各紳士  
商耆或捐米煮粥或散錢給米或各贍本族或  
捐貲修築隄圩或以所捐之銀買米平糶更番  
迭運至金盡爲止兼有隔屬並非災區如黟縣  
太和等處亦聞風捐助解備災區之用其潛山  
一縣先後捐銀二萬七千餘兩宣城一縣併衛  
籍先後捐銀至九萬餘兩經該令等轉據紳士  
稟稱足敷賑用請免動

帑復經

臣

陶澍會同

臣

孫玉庭具奏並聲明捐輸

姓名統俟事竣查明照例彙請

旌敘茲各屬辦理捐賑事宜均已完竣通計懷寧桐  
城等二十七州縣衛每處所捐多者八九萬兩  
少者數千兩至一二萬兩不等災民獲濟不下  
百萬餘人現在災黎復業各歸井里且因捐助  
施濟鄰黨之間倍形雍睦此皆我

皇上念切如傷

湛恩汪濊

鴻慈所被惟恐一夫不獲卽惟恐一善或遺該紳民  
等觀感所孚爭先恐後揆諸周禮勸分之政與  
尙書彰善之文義實同符自應彙請

聖恩獎敘以昭激勸查各屬勸捐紳士如原任知府  
王澤原任御史吳賡枚原任同知葉灼等均係  
職官不敢仰邀議敘其餘出力紳士尙多均由  
臣等飭加獎勵毋庸列請

恩施內有張瑞庚一名係當塗縣廩生前經保舉孝  
廉方正接准部咨給予六品頂帶該生前於盛  
漲時捐修南門浮橋首先倡捐銀米辦理平糶  
最爲踴躍查該生居心淳厚文行夙敦可否

賞給訓導補用之處出自格外

天恩又望江縣孀婦甯王氏年老無嗣獨力捐施應

請照例

賞給樂善好施坊額此外捐施各紳民據藩司徐承恩查照嘉慶十九年成案將銀數在千兩以下者照例咨部辦理其在千兩以上者開單詳請具奏前來臣等核查無異謹恭摺會

奏請

旨敕部給與議敘頂帶尙有續捐及行查未到各戶容臣另行咨辦再捐輸助賑銀米均歸實用係各紳士自行經理並未經書吏之手應請免其造冊報銷以歸簡便合併陳明謹

奏

謹將安徽省道光三年被災各屬紳士捐賑在  
千兩以上開具姓名銀數清單恭呈

御覽

計開

懷寧縣生員姜昌壽捐錢合銀一千兩  
桐城縣試用訓導劉宗向捐銀二千兩

原任雲南永昌府劉彰寬捐銀一千五百  
兩

監生吳厥華捐銀一千五百兩



候選部主事劉宗齡捐銀一千兩

潛山縣童生王培滋捐銀一千一百兩

童生徐璿捐銀一千兩

童生石光前捐銀一千兩

監生儲潛發捐銀一千兩

監生儲光綬捐銀一千兩

宣城縣童生貢世哲捐錢合銀二千七百三十

兩

武舉王元勳捐錢合銀一千六百二十五

兩

捐職理問貢達捐錢合銀一千五百七十

五兩

監生後伸捐錢合銀一千四百五十四兩

生員徐兆蘭捐錢合銀一千三百一十二

兩

生員陳明棟捐錢合銀一千一百五十五

兩

監生許鳳五捐錢合銀一千一百兩

監生吳冠實捐錢合銀一千一百兩

監生徐玉實係涇縣人寄居宣城縣捐錢

合銀一千一百兩

監生徐殿臣係涇縣人寄居宣城縣捐錢  
合銀一千一百兩

監生翟成德係涇縣人寄居宣城縣捐錢  
合銀一千一百兩

監生蘇榮捐錢合銀一千五十兩

監生陳佑啟捐錢合銀一千五十兩

生員陳紀捐錢合銀一千五十兩

監生施渥捐錢合銀一千五十兩

監生施桐捐錢合銀一千五十兩

涇縣監生丁廷秀捐銀米合共銀一千五百四

十兩

旌德縣捐貢生朱則班捐銀二千五百兩

布經歷銜汪調元捐銀一千五百六十三

兩

州同銜江懋泐捐銀一千兩

民人江懋淦捐銀一千兩

當塗縣孝廉方正張瑞庚捐銀米及捐修浮橋

共合銀二千二百六十三兩

蕪湖縣捐職布理問孫元鍾係休寧縣人寄居

蕪湖縣捐銀一千二百兩

廬江縣前任湖北武昌道章廷樑捐銀併煮賑  
共銀五千二百五十兩

候補道章廷榜捐銀併煮賑共銀五千二百五十兩

監生洪翊贊捐銀一千五十兩

巢縣議敘主簿陳賢淇捐錢合銀一千兩  
和州商民朱玉成捐錢合銀三千一百兩

監生張鍾捐錢合銀二千五百兩

捐職布理問陳康捐錢合銀一千兩

捐職布理問夏卓捐錢合銀一千兩

望江縣孀婦甯王氏捐銀一千一百兩

道光四年六月二十八日具

奏閏七月初七日奉到

硃批該部議奏欽此

附奏省城建造育嬰堂摺片

竊安徽省上年被水成災各屬窮黎因歲歉攜眷謀食中途不無遺棄嬰孩臣仰體

聖主好生之德與藩司徐承恩倡議捐廉於省城北門內擇地建造育嬰堂置列房屋六十餘間招雇乳婦遇有遺棄嬰孩卽行收養緣省垣舊有育嬰堂一所在南門外江岸邊地偏而隘收養無多兼以堂內費用不敷經臣於藩司任內率屬捐買望江縣海京二號歸公洲地以資乳哺之需業經咨部覆准在案茲復與藩司徐承恩

議加擴充立定章程以垂久遠一面飭令各屬仿照辦理又傍山沿河各州縣前因江潮漲潰兼山洪驟發浮厝棺骸多遭衝漂當卽飭各地方官設法打撈令各親屬作速認埋其親屬外出者示諭清明爲期一律葬訖屆期無親屬承認者卽購買義地官爲掩瘞俾免暴露嗣據寧國府知府郭承恩稟報所屬宣城縣浮棺經紳民等捐葬四百餘具該府縣同委員通判顏爾楫等復捐置義地續葬八百餘具又南陵縣劉邦鼎率同教諭王熙績及紳民等捐地掩葬五



百餘具又涇縣紳士等捐葬一百餘具又據太平府知府高澤履稟同通判陳萬森率同當塗縣紳士十數人捐貲購地共葬一千六百餘具又蕪湖縣體仁局收葬亦有數百具其餘無爲懷寧宿松望江繁昌含山全椒等暨各州縣稟覆有親屬者飭卽歸葬無親屬者卽官爲捐置義塚亦有紳士捐地掩埋者俱皆遵照辦理一律葬埋完竣所有省城建造育嬰堂收養遺嬰并通飭掩埋浮棺緣由理合附片以

聞謹

奏

道光四年六月二十八日附

奏閏七月初七日奉到

硃批知道了欽此

全獲越獄人犯摺子

奏爲越獄重囚限內全獲請照例辦理仰祈

聖鑒事竊照安慶府監斬犯馬長會等九名於上年  
九月二十七日夜間乘間越獄脫逃當據代理  
府照磨楊芳潤追獲陳堂一名並經該府汪恩  
移會文武員弁督同該照磨丁役連夜出城追  
捕王傑亞閻志高因追迫跳江淹斃張忝行拒  
捕卽被格殺首犯馬長會亦據署懷寧縣朱士  
達帶同各兵役拏獲經臣審明恭請

王命將馬長會等正法其逃犯鄭添保等四名當委

潁州府通判王友仁購線偵緝並咨會鄰省督撫一體飭拏一面會摺叅

奏奉

旨代理安慶府照磨候補主簿楊芳潤著革職留緝限滿能否全獲分別辦理安慶府知府汪恩著革職留任先行摘去頂帶統限一年緝拏限內全獲照例辦理逾限不獲卽著革任在逃未獲各犯飭屬嚴拏務獲毋任一名漏網等因欽此遵復勒催嚴緝旋據委員王友仁督率安慶府兵役及叅員楊芳潤家丁於十一月十七日在霍邱縣地

方會同該署縣劉溥拏獲鄭添保二十二日緝  
至河南固始縣地方會同該縣兵役拏獲陳三  
麻孜一併解省又於十一月十八日據委員安  
慶府經歷羅煥奎會同豫省鹿邑等縣在勞岡  
集地方將逸犯張三旺獲案臣當提鄭添保陳  
三麻孜審明正法一面奏

聞並聲明張三旺一犯因長途跋涉恐有疎虞飛咨  
河南撫臣就近審辦尙有趙春一名在逃復嚴  
行飭緝嗣據該府汪恩具稟本年三月三十日  
府役楊文及楊芳潤家丁緝至河南濬縣地方

協同該縣兵役追捕趙春至衛河北岸該犯被  
追情急跳入河內撈獲業已淹斃等情當經據  
稟咨查茲准河南撫臣程祖洛咨覆飭提安慶  
府禁卒方華來豫辨認確係趙春屍身照例戮  
屍梟示原叅各員應由安省查辦等因並據藩  
臬兩司具詳請

奏前來查例載斬絞重犯越獄不論名數多寡卽  
時題叅將管獄官革職拏問有獄官革職留任  
如四個月限內不能全獲有獄官仍留任一年  
戴罪督緝全獲者自拏獲之日起扣限一年無

過開復等語此案越獄人犯九名經該府汪恩等會督員役當時捕獲五名又於欽奉

諭旨統限一年之內將逃犯四名全行拏獲雖疎防於前尚能愧奮於後安慶府知府汪恩應請照例自拏獲之日起扣限一年無過再行開復其原叅摘去頂戴之處可否仰懇

天恩先行給還之處出自

鴻施該叅員楊芳潤先經獲犯一名復於留緝限內將全案逃囚悉數協獲業已革職應毋庸議其首先獲犯及疎防應敘應叅各職名容臣飭取

另行分別核辦所有越獄重囚全獲緣由謹會  
同協辦大學士兩江總督臣孫玉庭恭摺具

奏伏乞

皇上聖鑒

訓示遵行謹

奏

道光四年六月二十八日具

奏聞七月初七日奉到

硃批另有旨欽此同日奉到七月十九日內閣奉

上諭陶澍奏越獄重囚限內全獲請照例辦理一摺



安徽安慶府知府汪恩前因府監斬犯越獄革職  
留任先行摘去頂帶茲據該撫查明此案越獄人  
犯業經該府等於限內全行拏獲尙知愧奮汪恩  
著加恩給還頂帶其革職留任之處照例自拏獲  
之日起扣限一年無過再請開復至首先獲犯及  
疎防應敘應叅各職名著查明分別核辦欽此

據道員代謝摺子

奏爲據情代

奏叩謝

天恩事竊

臣

於本年五月二十四日欽奉

上諭

皇考仁宗睿皇帝聖訓實錄慶成該管提調等官盡心編輯均屬奮勉可嘉總纂官現任安徽徽州府知府麟慶著賞加道銜等因欽此欽遵恭錄轉行遵照茲據徽州府知府麟慶稟稱接奉

恩旨當卽恭設香案望

闕叩頭謝

恩伏念麟慶猥以菲材毫無學識前因備員中允得  
隨總裁大臣恭輯

仁宗睿皇帝實錄幸厠簪筆之班仰讀  
典謨之富

堯文巍煥

舜孝祇承允曠古所獨隆實寸長之未效茲屆

全書告蒞奉

旨賞加道銜聞

命自

天感

恩無地惟有矢慎矢勤黽勉供職以期仰報

皇上高厚鴻慈於萬一所有感激下忱稟請代爲

奏謝

天恩等情據此理合據情恭摺代

奏伏乞

皇上聖鑒謹

奏

道光四年六月二十八日具

奏閏七月初七日奉到

殊批知道了欽此